
Riassunt da la tschanteda da la suprastanza cumünela dals 12 lügl 2023:

Protocol dals 28.06.2023

Il protocol da la tschanteda dals 28.06.2023 vain approuvo.

Avegnir dals billiets dal di SBB

Las cartas dal di pel tren scu fin uossa per 45.- francs, do que be pü fin la fin da l'an 2023. Quistas cartas dal di d'eiran attractivas eir per personas sainza abunamaint da ½ taxa. A partir dal 2024 do que üna nouva spüerta; "Spartageskarte Gemeinde".

La suprastanza decida da na pü vender billiets dal di SBB tar l'administraziun. I dëssan gnir cumpros sur la pagina d'internet www.spartageskarte-gemeinde.ch.

Reglamaint pel sponsoring dals baunchins

La vschinauncha da S-chanf metta oura minch'an arduond 15 nouvs baunchins cun l'intagl da la vappa da S-chanf ed il nom dal lö. Per regler l'agir tar dumandas da sponsoring e per garantir cha'ls baunchins hegian üna cumparsa unitara es gnieu preparo ün reglamaint per il sponsoring da baunchins in lain sül territori da S-chanf.

La suprastanza decida d'aderir al reglamaint pel sponsoring dals baunchins e ch'el vain miss in vigur dalum.

Tevla da scumand a Chapella

Ils 12.02.2023 es entreda la dumanda cun püs suotsegnos da munter üna tevla da scumand per la via da Quartier Resgia Chapella sün parcella 839. Tenor spiegaziuns passan adüna darcho camiuns grands cun tuotta sort maschinas grandas e restan pichos traunter las chesas, usché cha els haun da spuster ils autos. Our da quel motiv dumandan els per üna tevla da scumand.

Il mneder tecnic ho elavuro las pussiblas variantas culla pulizia.

La suprastanza decida d'aderir a la dumanda e da munter 2 tevlas da scumand generel per trafic exclus servezzan d'apport per la via da Quartier Resgia Chapella sün parcella 839.

Convegna per la promoziun antecedainta

Ils 29 settember 2022 es gnida fatta üna retschercha da la vschinauncha da San Murezzan e las vschinaunchas da Segl, Silvaplauna, San Murezzan, Puntraschigna, Scharigna, Samedan, Bever, La Punt Chamuesch e S-chanf haun decis da lascher elavurer üna strategia regiunela per la promoziun antecedainta e delibero ün credit da fr. 25'000.00 cha vain spartieu tenor la clev regiunela (per S-chanf es que 3%, sainza las vschinaunchas da Zuoz e Madulain: 3.45%). L'uffizi da sandet dal chantun Grischun ho preparo üna convegno per la promoziun antecedainta.

La suprastanza decida d'aderir a la convegno per la promoziun antecedainta traunter l'uffizi da sandet dal chantun Grischun e las vschinaunchas Segl, Silvaplana, San Murezzan, Pontresina, Schlarigna Samedan, Bever, La Punt Chamuesch e S-chanf.

Cuosts impü fr. 7'121.12 ARO

A la tschanteda dals delegios da l'ARO dals 25.11.2021 es gnieu decis dals delegios cha las vschinaunchas surpiglian ils cuosts da fr. 200'000.00 per unificher l'implaunt exterior. L'implaunt exterior es part dal

sistem complett da la rait da l'ARO cun lös d'imsüraziuns, pumpas, chanels da stagnaziun, stabilimaints auxiliars e batschigls per ova da plövgia. Per S-chanf sun que cuosts da fr. 7'121.12.

La suprastanza decida d'aderir a la dumanda e da pajer fr. 7'121.12 a l'ARO per unifier l'implaunt exterier.

Revisiun parziela da la ledscha d'impostas

Dal 2020 ho la vschinauncha da S-chanf fat üna revisiun parziela da la ledscha d'impostas. La regenza ho aderieu a la ledscha tenor decret dals 04.05.2021 nr. 403/2021.

Zieva cha la ledscha es riveda in vigur s'ho constatato cha tar l'imposta da müdamaun e tar l'imposta fundiaria es gnieu stricho il pled maximelmaing. Usché es l'imposta da müdamaun fixeda hoz cun 2 pertschient e quella fundiaria cun 2 promils. Aunz s'ho pudieu fixer ils pertschients/promils traunter 0-2. Per evader quista pendenza es da fer danouvmaing üna revisiun parziela da la ledscha d'impostas per adatter il pled maximelmaing tar quellas duos impostas.

A vain remarcho cha l'imposta da müdamaun es fixeda dal chantun Grischun sün 2%.

La suprastanza decida da propuoner a la radunanza cumünela d'aderir a la revisiun parziela da la ledscha d'impostas cun l'adattamaint dals artichels e l'adattamaint cha l'imposta da müdamaun importa maximelmaing 2% e l'imposta fundiaria importa maximelmaing 2 ‰.

Rumida da ramma gods pasculos

Zieva chi sun gniesu fats ils tagls da laina Chapella ed Arschaideas es da fer la rumida da la ramma cha's rechattan sün gods pasculos.

Tenor ils purs nu basta da fer be mantuns cun la ramma scu üsito. Id es gnieu giavüscho da rumir tuot la ramma our dal god.

Per fer quista lavur sun gnidas aint las seguaintas offertas:

Tagl da laina Chapella: Cla Duri Janett fr. 19'380.00 e pel tagl da laina Arschaideas da HitschLain cun ün import da fr. 12'810.00.

Ils cuosts vaun üna mited a charg da las alps e pasculs e l'otra mited a charg dal deposit forestel.

Las lavuors vegnan fattas düraunt la sted 2023.

La suprastanza decida da na aderir a la dumanda per la rumida da ramma a Chapella ed Arschaideas cha's rechattan sün gods pasculos.

Lavuors da cumpensaziun

La vschinauncha es oblieda da fer lavuors da cumpensaziun. Quistas lavuors nu sun gnidas fattas regulermaing, usché cha la vschinauncha es culs puncts da cumpensaziun aint il minus. Voul dir, têlas lavuors es da fer auncha il avuost 2023.

Previs es da fer il pascul sü Griatschouls davous l'alp. Uschè do que ün meglider pas-ch per la muaglia.

Causa cha'l proget es gnieu conclus da la contabiltad dal 2022 sto la vschinauncha deliberer ün nouv credit. Ils cuosts s'ammuntan sün fr. 17'205.08.

Scha las lavuors nu vegnan fattas infra temp ütil, vain l'uffizi d'ambiant e natüra (ANU) a reclamer. Quista pendenza es daspö il 2020 pendent tar la vschinauncha.

La suprastanza decida d'aderir a la dumanda e da lascher fer las lavuors e fer ün meglider pascul sü l'Alp Griatschouls e da deliberer il credit da fr. 17'205.08.

Contrat da lavur

Il giarsun ho pudieu glivrer il giarsuned. Il contrat da lavur scrouda ils 31.07.2023. Per che'l possa lavurer fin la fin dal 2023 es da stipuler ün nouv contrat da lavur limito dals 01.08.2023 fin ils 31.12.2023.

La suprastanza decida unanimamaing d'aderir a la dumanda e da stipuler ün contrat da lavur limito dals 01.08.2023 fin ils 31.12.2023.

2023-028 Duonna Vacir Regina, 7526 Chapella, Renovaziun da la chesa existenta, parcella 55

Il 10 meg 2023 es entreda la dumanda per la renovaziun da la chesa existenta sün la parcella 55 a S-chanf. Il proprietari da la parcella 55 ho l'intent da parceller oura la parcella traunter la chesa 126 e 56. **La suprastanza decida d'aderir a la dumanda da fabrica per la renovaziun da la chesa existenta sün parcella 55.**

2023-031 Vschinauncha S-chanf, Sar Graf Roman, 7525 S-chanf, Chesa da scoula da zambrager aint il local da protecziun civila, parcella 110

Cun data dals 23.05.2023 es inoltreda la dumanda da fabrica per ütiliser üna part dal murütsch da la defaisa civila aint illa chesa da scoula per fer ün local da zambrager. Las lavuors cuntegnan funzs e paraids da lain in möd simpel. Il uffizi da defaisa civila a dat il acconsentimaint cun cundiziuns per realiser quist proget.

La suprastanza decida d'aderir a la dumanda da fabrica pel fabricat d'ün local da zambrager aint il local da protecziun civila sün parcella 110.

1 0.209 Contrats e cunvegns

2023-007 Christian Rauch, contrats da servitut per la nouva garascha sün parcella 693

La suprastanza ho aderieu a la dumanda da fabrica a la tschanteda dals 17.05.2023. Per pudair fabricher a cunfin e pels drets da passagi s'ho da stipuler ils contrats da servitut e quels haun da gnir aderieus da la radunanza cumünela.

La suprastanza decida unanimamaing da propuner a la radunanza cumünela d'aderir als contrats da servitut ed a la cunvegna pel dret da fabricher a cunfin per üna garascha.

Declaraunza d'intenziun regard tunnel Livigno – S-chanf

La vschinauncha da Livigno ho l'intenziun da fabricher ün tunnel pel tren chi maina da Livigno fin a S-chanf. In december 2001 ho la vschinauncha da Livigno lascho fer ün stüdi regard la realisaziun d'ün tunnel da Livigno a l'Engiadina. Dal 2003/2004 es gnieu preschanto il proget a la Viafier Retica scu eir al Chantun Grischun. Dal 2004 ho la Viafier Retica do l'acconsentimaint dal proget cun la soluziun 1C (colliaziun traunter Livigno e S-chanf) scu megldra varianta.

Per la realisaziun da quist proget ho que do diversas tschantedas traunter ils presidents da S-chanf e Livigno. Zieva l'ultima tschanteda es entreda la declaraunza d'intenziun pel fabricat dal tunnel. A vain gia-vüscho da la vschinauncha da Livigno cha quella declaraunza vain suottascritta per mner inavaunt il proget.

La suprastanza decida d'aderir a la dumanda e da suottascriver la declaraunza d'intenziun regard ün tunnel pel tren chi maina da Livigno a S-chanf.

Infuormaziuns

A vegnan dedas seguaintas infurmaziuns:

- La contabla ho preparo la documainta pel preventiv 2024. La suprastanza dess elavurer il preventiv cun las personas pertuchedas. Il böt es cha tuot es do giò a la contabla fin la fin dal mais avuost 2023.
- Situaziun cun l'ova potabla: Il reservoir Quedras ho purto pü poch ova l'ultim temp. Scha l'ova vain s-charsa es da piglier imsüras scu serrer giò ils bögls.
- Tal la radunanza generela da la deponia Bos-chetta Plauna SA es Riet R. Campell sortieu dal cussagl administrativ e Liun Quadri es gnieu tschernieu scu nouv rimplazzant.
- Il proget per l'ingrandimaint da la deponia bos-chetta ho da gnir adatto causa cha l'Armasuisse nun es perincletta culs plauns actuels.

2 9.999 Varia
 Varia

- Liun Quadri infurmescha sur dal stedi da l'ova. Tal reservoir Quedras vo la quantited d'ova inavous. Tar Murtriröl vain adüna listessa quantited. Scha l'ova potabla vain s-charsa es da piglier per mauns imsüras (serrer giò bügls, biotops, scumand da bagner üerts).

A las 21:00 vain la tschanteda alveda.

Riet R. Campell
S-chanf, ils 29.06.2023

La suprastanza cumünela